


Karalano Montok do Koubasanan mitilombus Radio tulun sandad. Id timpu manalob diti Pigogutan Pandemik Covid19

Cultural Survival

DUSUNIC



ON AIR



Tinimungan sandad baino diti nokotoguang pongumbalan do pandemic Covid19. Ih mananampasi do koubasanan id pinggisaman do monguhup piromutan tinimungan radio do poingkuro do tulun sandad monorupu do pigogutan diti. Tinimungan radio nopo nga iso bakalang ih kikuasa montok tulun sandad. Pingkuro do koinggisaman, kosimbayanan do popolombus. Piromutan do kopoilaan kiguno montok diolo sondiri. Toilaan nopo nga iso kagarasan om kikuasa id radio.



Galina Angorova

Galina Angorova

Klembangphu pinkhatbang



Kogonopon do tulu

Monokodung piromutan do kukumaraja
mantad titimungan tulun sandad om
nogi karalano monoguang diti
pilat do Covid19.

Mokikinongou

Buuk karalano nopo diti nga montok kowonuan kopoilaan
montok pakakaraja do radio, poporuput, poposolimbou
om nogi kopiromutan id posorili do pomogunan
montok do kotingoligon
mantad Covid19.

Buuk karalano poningolig ih kosudong gunoon montok noh do pandemic COvid19.

Tulun baino nokotoguang diti virus Cvid19 ih au poh kopio norotian montok noh do ginumuan komilaan kolidasan. Virus diti minomoroli do pandemic global miampai ogumu kinapatayon om nogi pinaparatu diti pigogutan ekonomi global. Id timpu diti mangai tokou noh imurianai kagarasan tulun sandad. Au osukupan tokou do tubat, waig om nogi okurian do kopoilaan poinggonop kokomoi diti toruol. Sundung potu do miagal diti nga tulun sandad ogumu toilaan kokomoi gatang do pitimungan, taakanon, tubat doung gulu-gulu ih oulud.

Media tulun sandad nopo nga agayo kopio tonggungan do mamaso diti. Mongulud piromutan ih osonong, pointopot, osudong om manahak kopoilan id boros sandad miampai otoluod. Potilombus koubasanan ih pinoposodia do buuk karalano diti montok noh do monimbar ngawi ponguhatan ih koundorosi. Do oilaan oh guno om pongintutunan piromutan do tulun sandad. Buuk diti kiharo duo boogian. Koiso nopo nga montok poposolimbou om pakaraja. Poguluonan ih karalano do poningolig maso do pibarasan id radio timpu do Covid19. Koduo nopo nga karalano poingkuro papalabus tonsi do kopoilan totopot montok tulun sandad.

Boogian koiso Pakaraja Radio om Mononokodung

6

*Poningoligon
kakamot
kalapas poh do
ponorubungan.
Momoguno
do kain ih
nobugan id
suang Ethyl
alcohol. Kada
pomoguno
do klorin tu
mamaraag
moti do
kakamot.
Ethyl alcohol
obuli do
ihumon id
kadai do
tubat.*



Onu ih oporlu oh pogulunon diti pitimungan do radio. Poguluon Kotinoligon

1. Momonsoi ralan kotinolig montok pakaraja, nung obuli daa, momonsoi iso tinimungan tumanud koturan Kotinanan do Kolidasan Sompomogunan puru do takawas do koporintaan do kolidasan id posorili do pomogunan
2. Ointutunan sabagi songulun ih poposolimbou do media do koinsodu noh daa mantad kobolingkangan om koturan mantad iso-iso pogun. Kasagaan mantad pakakaraa id suang toikoh labus do studio.
3. Monoguang do karaja id koiyonon di au ointalang do tulun. Nung tinimungan pakaraja mirolot miampai ih kiumur-umur noh toi koh ih kiharo toruol, mositi do pasagaan momonsoi karaja id walai.
4. Momulinahas do koligaganan. Soira do mimpanau tokou id labus, tonudon tokou koturan do koporintaan. Iti nopu ih pogulu kopio mangan do poningolig.
5. Momilangga kinoyonon karajaon momoguno do ponusi ki alcohol 70% id upis, upis ponuratan om nogi pamarakaman.
6. Momoguno do span toi koh pamabak do tongus id mikrofon. Sabab iti nopu iso laang manalob do roliu virus. Soira nopu awi oh ababayan gentian noh ih span.
7. Poningoligon kakamot kalapas poh do ponorubungan. Momoguno do kain ih nobugan id suang Ethyl alcohol. Kada pomoguno do klorin tu mamaraag moti do kakamot. Ethyl alcohol obuli do ihumon id kadai do tubat.
8. Kada pogowit sumuang lobi koh mantad duo tulun id studio. Tamangai sinodu mantad tiso om tiso om momoguno do ponutup kabang om todung.
9. Ababayan maya do streaming toi koh kosolimbahan mitilombus lobi poh osonong suai koh mantad kosolimbahan id studio. Pogulu mangan wonsoyo iso piromutan miampai ih madtamong, momoguno do kosolimbahan mitilombus tu osonong oh ponorimaan. Nung ingga nopu do kosiwatan miagal diti, obuli nogi momoguno do piromutan telefon sabagi do pillion koduo. Nung kikosiwatan obuli mongoi ponoriuk diti maya id www.giss.tv.

9

Boogion Koduo Koposodian suang do ih boborosan

Id bogian diti, maganu dahai pipiro ralan mantad Kotinanan Kolidasan Sompomogunan om nogi mantad portal poimbida komoi diti pandemic Covid19, do alansan onu nopo ih polombuson do kaanu manahak kopoilan ih otopot.

- Minsodu mantad infodemik om kabar ih au otopot. Kotinanan Kolidasan Sompomogunan minongulud iso guas infodemik miampai do popointalang om paparati do kopoilan-kopoilan ih au otopot om koborulong soira posolimbohon media platform do suai. Kopoilan ih au otopot manahak do koborulong om nogi magampayat do koutusan do mogigiyon.
- Tumanud do kopoilan otopot om pointunud kokomoi toruol om ih karalano mantad Kotinanan Kolidasan Sompomogunan.
- Poposorou do itokou nopo okon koh aba'aal kokomoi do guas diti ponoriukan mantad ih kitoilaan noh ih kaanu paparati do ginumuan noh ih obuli tokou gunoon montok konuan kopoilan pointunud.
- Popointutun ralan pongubatan dungu-gulu-gulu. Kiharo nopo toilaan tokou ih popogoris kolidasan do tinaran moguno takanon koubasanan om tubat gulu-gulu nga moi rumo ih mongungubat kampung.
- Romito kopoilan id boros tinaru id tinimungan om boros ih poinlobi id pogun dikoyu. Boros tinaru tokou asanang do orotian. Nung ingga ih nopo koilo do moboros id boros tinaru nga, ngoyon noh daa ihumo ih karati do moboros. Pipiro portal pointaid ih pinatud ih tohuri do buuk diti montok do ponoriukan.
- Insodu noh mantad stigmatitasi.

Sasabab nopo do tadon diti virus, ogumu media sumuku do iti nopo nga virus China. Iti pinopoimbulai pioduhan om pitagadan id posorili do pomogunan. Tamangan tokou kabang om koboboroso soira manahak kopoilan montok do wokon. Kada tokou poboros ih koruol do ginawo tulun suai.

- Papaharo kempen koukaban hak do tulun. Poinso duo mantad modidikot aiso kasagaan ih pinouli id pogun diolo, tulun sumakit, montok do paganakan om nogi tulun toolidas id timpu Covid19. Mokianu kasagaan momonsoi piromutan ih koundorosi.

Kada palabus kopoilaan ih aiso sangkad

- Komoi do tubat ih koubat nopo nung kiharo muhot nga lobi asanang do



- uhoton ih monunurat kokomoi diti.
Sabab ogumu pisuaian tubat moden om nogi tubat kampung.
- Poiloon ih hongkod do tulun nung oilaan dikoyu kiharo oh napatai sasabab noh diti Covid19. Pantangon tokou oh paganakan ih napatayan do tobpinai. Purimono tokou sondiri nung itokou id tempat diolo.
 - Manahak tongkop poimbida kopoilan montok tinimungan tokou mantad puru mongunguasa. Rumomut do puru mongunguasa kokomoi do onu ih milo om au milo do wonsoyon tokou.
 - Radio nopo nga sunsuyan do popoilo tulun ginumuan do songkuro mositi tokou oilaan simtom do virus di ponokotingolig tokou mantad roliu.
 - Popokito gatang do ginumuan tulun

*Kiharo nopo toilaan tokou
ih popogoris kolidasan do
tinan moguno takanon
koubasanan om tubat
gulu-gulu nga moi rumo ih
mongungubat kampung.*

- Papaharo ababayan id walai, mangadang karajaan id walai om onu nopo ih koinsodu mantad pilat do psikologi.
- Pongumbalon format kawawagu id radio do monontuduk sukod wagu om tanganak ponoko ganti pambalajaran sikul ih notingkodon
- Maya do radio, magangat tokou monunuduk do momoguno radio sabagi do pambalajaran
- Popoilo ih mokikinongou ngawi do nongo tempat ih au milo do suangon mantad noh do koturan do koporintaan.
- Popouni do sinding-sinding ih popounsikou do ginawo .
- Popointutun do pomolian om dudumagang do produk.
- Magangat tokou do tulun momutanom.
- Manahak sokodung kumaa ih momonsoi karaja solidarity
- Monontuduk om poposorou ngawi do tulun songkuro oponting kopio iti manamong kolidasan do koinsodu noh mantad orolihan.
- Manahak kopoilan kokomoi do kosukupan do takanon, mangakan takanon ih manahak kolidasan tinan om kagaran katanan do tinan.

Kopoilaan kokomoi Covid19 id misuai boros okito id website link

https://rights.culturalsurvival.org/radio-spots-search/field_radio_series/COVID-19-85/language/en/language/und

<https://www.who.int/es>

<https://ijnet.org/en>

<https://gijn.org/gijn-en-espanol/>

Cultural Survival

2067 Massachusetts Avenue
Cambridge, MA 02140
(617) 441-5400
www.culturalsurvival.org

Dusunic Indigenous Language
Sabah, East Malaysia, Borneo

Coordination : **Dev Kumar Sunuwar**
Translation : **Wendy Rudolf**
Layout : **Laxman Sunuwar**